

مرند اۆيکو

Mərənd öykü



گلین باجی

یازار: رقیه کبیری

Web address: www.marand-oyku.arzublog.com

Facebook: www.facebook.com/marandoyku

Email: rezaaydin491@yahoo.com

گلین باجی

رقیہ کبیری

ہلہ نوبہ میزہ قالیر. میز آرخاسیندا اوتوران نومرہ وئرن؛ قارا بوغدایى ساچلى، اورتا یاشلى کیشى یه باخماقدان اوتانیرام. یقین او دا بیلیر بیز نییه گلمیشیک. گۆزوم دووارداکى، آغ اؤرپکلى، گۆچک اوشاغین سوس دئیہ، بارماغینی دوداغیندا ساخلایان شکیلده قالیب.

آشپازخانانین سکی سینه سؤیکه نیب، دئدیم: "گتتمیه جه یم!"
گلین باجی آغ یایلیغینی بوخاغی نین آلتیندا سانجاقلا دی. قار چرچیوه لی گیرده گۆزلویونون اوستوندن منہ باخدى: "آنان بیر شئی بیلیر دا، دئییر گتت...!"
بیردن دیلیمه گلدى دئییم کی، "آخی سنہ نہ دخلی وار، گلین باجی!" ایستہ مه دیم گلین باجینی اینجیدیم. تئلویزونو آچیب، گۆزلیرمی اکراندا کی اوچان قوشلار زیلله دیم.
آنم، قاشیق الینده آشپازخانانین سکی سینه دیرسکلندی: "الیمیزده کاغذ اولسا، بیر سؤز دئینده تپهریک گۆزلیرنہ."

گلین باجی آنامین سؤزونو کسدى: "گۆرمه دین، آناسی زهر تولوغویدو!؟" وئرمزیز دا- دئدیم.
آنامین الینده کی قاشیق سکی نین اوستونہ دامجیلادی. "گنہ باشلاما!" دئدی. "تک سن دئییل سن هاااا... سندن سونرا ائوده ایکی قیز دا وار."
دینمه دیم. گۆزوم اکراندا کی قوشلاردا قالمیشدی. تدقیقاتچیلار نیشان قویماق اوچون حالقلاری قوشلارین آیقلارینا برکیدیپ، بوراخیردیلار.
"نه ائیلہ ییم. ائلچی لر قاپینی یئریندن چیخاردیر آخی... " آنام ایدی یئنہ آشپازخانادان سسلندی.
گۆزوم اکراندا- "بیر دفعه دئہ الیمده قالمیشدین دا..." دئدیم.
گلین باجی یئنہ گۆزلویونون اوستوندن منہ باخندا، ائلہ بیلدیم جیزگی فیلملرده کی گۆزلوکلو بوتؤو آیدی. گوموشو ساچلارینی آغ یایلیغی نین آلتیندا گیزلہ دید.
- "قیسمت قیزیم، قیسمتی نہ گۆرموسن!" دئدی.
- "من اؤزومه گووه نیرم. کاغذ نه یه لازیم دی؟"

گۆزلمه اوتاغیندا، دووارداکى سوس دئین قیز، باشقا اوتورانلار باخمیر. گۆزونو، آنجاق منیم اوزومه تکیب. نومرہ وئرن ہردن - ہردن منہ، بیر ده یانیمدا کی قومرال ساچلى قیزا باخیر. ائلہ بیل بیزدن سونرا، بوردا باشقا بیر آدام یوخدور.
آنم بیر منہ باخدى، بیر ده گلین باجی یا. قاشیغی اوجاق اوستوندہ کی بوغلايان قابلامانین قیراغینا ووروب، "قورخورام گلین باجی یا چکہ سن" دئدی.

قاشیغی قابلامانین اوستونه قویوب، اوجاغی سۇندوردو. سورتتمه لرینی سورتله یه-سورتله یه تنه بییه گلدی. الیمدن یاپیشیب، گلین باجی نین یانیندا اوتوردوب، دئدی: “سن بیر سۇز دئه گلین باجی! بو قیز کۇنزدی”

گلین باجی آیاقلارین اوزالیدیپ گولدو. ساختا دیشلری، میرواری دنه لری کیمی آغ-آپباغ ایدی. “قیزیم! بلکه بیزیم زامانیمیز کیمی یئنگه-موشاتا قاپی نین دالیسیندا کئشیک چکه!”

“ایندی او زامان دئییل!” دئدیم “بیز دانیشگاه گۇرموشوک. هر شئی بیلیریک.”
آنم دا گلین باجی نین یانیندا موخده نین قاباغیندا یئره اوتوردو. “کۇنزلک ائله مه. گلین باجی نین توی گئجه سیندن بری، ائل- طایفانین گۇزو قورخوب، الیمیزده کاغاذ اولسا دیلیمیز اوزون اولار.”
گلین باجی، ساغ یاناغیندان آخان گیله لری یایلیغی نین اوجویلا سیلدی. یایلیغی سورمه رنگینه بویاندی. گۇزلویونون آلتیندا، سول گۇزونون چوخوروندا بیر گیله قالدی..

تئلویزون کنترلانو یئره چیریپ آناما باغیردیم: “گئتمیه جهیم.... بیلدیز... گئتمیه جهیم!”
دئدیم گئتمیه جهیم؛ اما گلدیم. اوسته لیک یانیم بیر یئنگه ده قوشدولار. آداخلیمدان علاوه، باجیسی دا بیزیم له گلدی. کاشکی اونون یئرینه گلین باجی گلیردی.

گۇزله اوتاغی نین آغ، چیرکه سو و چارپایی سی یانچاقلاریم باتیر، میخدی سانکی.
آداخلیم یئرینده قایناشیر. سانکی اونون قیزلیغی نین مۇهورونو کاغاذ باساجاقلار. یانیمدا اوتوران قومرال ساچلی قیزین عطیر قوخوسو، بورنومو آجیشدیریر. قیز منه باخیب، دووارداکى شکلین آلتیندا ایله شن قادینی گۇستریر. او دا قومرال ساچلی دیر. قیرمیزی دیرناقلاری آغ-آپباغ اللرینی قات-قات گۇزل گۇستریریر. آیاقلارینی بیر-بیری نین اوستونه آشیریب. باشماقلاری نین اوجا دابانلارینا باخیرام. قیز “مامام!” دئییر. “یانیمداکی دا آداخلیم” آداخلی سینا باخمیرام. ماماسی، ماتیکلی دوداقلاری لا اوزومه گولومسه ییر. ماتیکلی دیرناقلاری نین لاکی رنگینده دیر. “سیزده ماینا یا گلیب سینیز؟” آداخلیمین باجیسی مندن قاباق اورتایا آتیلیر: “بلی، بو جومه تویلاری دی!” دئییر. جانیمی قیزیشما باسیر. آداخلیم یاواشجا قولومو دومسوکله ییب، گولور.

اوره ییمده بیر شئی قایناشیر. سانکی دامارلاریمی سیخیر. آز قالیرام دوروم نومره وئره ن کیشی نین میزی نین اوستونده کی کاغاذ دله نی آداخلیمین باشینا چیریم. آغ رنگلی، کوره کن کت-شالواری گۇزومه چیرکه سوو گلیر. گۇزومو، دووارداکى سوس دئین قیزین دوداقلارینا تیکیرم. قیز دوداقلارین بوزوب، آداخلیم باخیر.

گلین باجی نین گۇز چوخورونداکی یاش گیله سی هله قورومامیشدی. “من یازیلمامیش آغ-آپباغ کاغاذ کیمی ایدی” دئدی. یایلیغینی باشیندان آجیب، بیر ده سانجاقلادی. “او زامان حکیم-قابیله یوخ ایدی کی قیزیم!” سونرا باغداش قوروب، بیر ده دئدی “موشاتانین سۇزو حکم ایدی.”

آنم: “گلین باجی! هله طایفا داعوالاریندان دئه با..”

گلین باجی دئدی "هله اؤز عمو اوغلو مایدا ها...، اؤزگه دئییلدی کی...!"

گۆز اوجو آداخلیما باخیرام. ماینا سۆزونه گولوب، قولومو دوسوکلەینده، بیلیمیرم نەدن اؤز یانیمدا دئدیم بلکه اؤزگه دی یانیمدا اوتوروب. تاکسی لار دا، اؤز لرینی قادینلار سورتن کیشی لر یادیما دوشدو. بیر آن دئدیم بس، اوندان زهلم گئدیر.

میز آرخاسیندا کی نومره وئرهن کیشی پول ساییر. یانیمدا کی عطیرلی قیز منه ساری ایلیلیر. الینی قولاغیما طرف گتیرنده، اوزون، ماوی مانیکورلو دیرناقلاری یاناغیما باتیر.

- "سن ده قورخوسان؟"

- "بیر آز"

دیرناقلاری یاناغیمی اینجیدیر.

- "دئییرلر بو قابیلە اؤز ایشینده باجاریقلی دیر. ترمیمی ده یاخشی بیلر، هن...؟"

- "ترمیم نەدی؟"

- "هئچ زاد بابا، قیزلیغی تیکیرلر دا..."

- "نه بیلیم. بیرینجی دفعه مدی گلیرم"

قیزین ایستی نفسی یاناغیمدان اوزاقلاشیر. دوداقلاری پاریلدا بیر. دوداقلاری قیز، گۆز لرینی میزین اوسته کی درگی لرە زیللەییب. درگی لرین اوزهرینده کی اوشاق شکیل لری سوس دئین قیزا اوخشامیرلار. هامی سی نین دوداقلاری ماتیکلی، گۆز لری سورمه لیدیر. شکیل لرین بیرینی قومرال ساچلی یا گۆستریرم "گۆره سن بو اوشاقلار، بیزیم یاشیمیزا یئتیشنده، اونلاردان دا قیزلیق وثیقە سی ایسته یه جکلر؟"

قومرال ساچلی، شکیلە باخیب گولومسه ینده ماینا اوتاغی نین قاپیسی آچیلدی. قیزین گولوشو دوداقلاریندا دوندو. اوچ نفر ائشیگه چیخیدیلار.

گنج قیز ایله آداخلیسی گوله-گوله قاپی یا ساری گئتدیلر. اونلارین آرخاسیندان گلن قادینین الینده، اوزون، ائن سیز بیر پاکات واریدی. نومره وئرهن کیشی، قومرال ساچلی یا گۆز اوجو اشاره ائله ییب "سیزین نوبه زدی" دئدی. قومرال ساچلی نین گۆزو اؤنوموزدن کئچن قادینین الینده کی پاکاتدا قالمیشدی.

آنم آشپازخانادان گلین باجی یا گۆز ائله دی، اؤز یانیندا دئدی بس گۆرمه دیم. "هله سلطان عمّه قیزینی دئه با..."

گلین باجی آیاقلارینی اوزالداندا، آغ دونوندا کی ساری کپنک لر سانکی اتگیندن یوخاری یا اوچدولار. "یازیق سلطان عمّه قیزی..." دئدی.

ايستەدېم دئېم: "گلېن باجى! مەنە گئجە ناغىلى دانىشما." گلېن باجى، گۇزلىونون شوشىرىنى ھۇلايىپ، يايلىغىنىن اوجويلا سىلدى "اونون گوناھى يوخ ايدى كى! بىبى اوغويلا دوشمانچىلىقلارى وار ايدى، آجىغىنى اوندان آچمىشىدىلار. قىزلىغىنى پوزموشدولار." دىلېمىن اوجوندايدى آز قالمىشىدى دئېم: "آخى سلطان ەمە قىزىدان، مەنە نە وار؟" گلېن باجى اودقوندو "توى گئجەسى- ەمە خانىم، موشاتانېن اووچونا پول باسمىشىدى، كىمسەنېن دابان قانىنى شوشەيە دولدوروب، دىسمالېن اوزەرىنە توكمەيىنى موشاتايا تاپشىرمىشىدى. دئەمە بس قان قورويوب. ھارا چاتاجاق! موشاتا، ھا شوشەنى چالامىشىدى، بىر داملا قان بئلە دىسمالا تۇكولمەمىشىدى. او گئجە، ھەم موشاتا، ھەم دە سلطان ەمە قىزىنى اۇلدوسونە دۇيموشدولر."

آنام، آشپازخانادان سىسلىنر: "ھەلە دئېرلر سلطان ەمە قىزى، بىر ايل ياتالىق ياتدى." گلېن باجىنىن گۇزوندن يئە دە ياش آخدى. "بونلارېن ھئچ بىرى، خالا قىزىنىن قىزى كىمى نىسگىلى دئېلىدى. اونون قىزلىغىن پۇزاندان سونرا، كېيىنى بىر قوتو شىرىنى ايلە ئولرىنە گۇندرمىشىدىلر. يازىق خالا قىزى، ايكى آى چكەدى قىزىن غەسەسېندىن فىججەلەدى. اۇلەنە قدر قىزىنىن قېرىنى بئلە گۇرمەدى"

نومرە وئەن كىشى، ميزىن سورگوسوندن تئلويزونون كىتىرلنو آلىپ، دوواردى پايا اوزەرىندەكى تئلويزونو آچدى. يئە دونكى قوشلارېن فىلېمىنىن تىكرارىنى گۇستىرىدى. قوشلارېن آياغىنا مئثال حلقە وورودولار.

قومرال ساچلىدان سونرا، سىرا بىزە چاتاجاق ايدى. اورەيىم گۇپ-گۇپ گۇپولدايىر. دئېرېم بس آداخلىم دا بو اورەك دۇيوتتولرىمى ائشىدىر. آتاجاق اونون ايسە گۇزو تئلويزونداكى قوشلاردان يايىنمىر. باجىسى تېسەمەلە ايلىپ، "ايندى بىزىم نوبەمىزدى" دئېر. مېم دوداغىم قاچىر. دوواردى قىزا - "بو زھلم گئتمىش گلە سىدى، اولمازدى ھا..." دئېرېم. قىزىن، بارماقلارېنېن آلتىندا، دوداقلارېنېن گولومسەيىر.

مطېن قاپىسى ھوژمونن آچىلندا دوواردى قىز دىسكىندى. گولوشو دوداقلارېندا قورودو. مەن دە دىسكىندىم. ايكى قادىن، گئچ بىر قىزىن قولوندان ياپىشىپ اىچەرى گىردىلر. قىزىن آياقلارى يئردە سورونور. رىمللرىنىن قاراسى قىيىقلارېنا يايلىپ، ياناغىندان چەسەنە آخىنىپ. اۇرپەيىنىن آلتىندان يايىنىپ ائشىيە چىخان تئللرىندەكى گول، آلماس كىمى پارىلدايىر. ماتىكسىز دوداقلارى جادار-جاداردى.

اونلارېن آرخاسىنجا، اوتوز ياشلى بىر كىشى ايلە ايكى چارشابلى قادىن اىچەرى گىرىپ، نومرە وئەن كىشىنىن اۋونودە دايانىرلار. قادىنلار، قىزدان بىر آز آرالىدا، چىركەسوۋ وىندىللىرىن اوستوندە اوتورىلار، كىشى ايسە، نومرە وئەنلە دانىشىر. قار كوتونون كورك حصەسى قىرىشىق دىر. ائىلى

كۆرهيى، نومره وئرهن كيشىنى گۆرمەيىمە مانع اولور. يالنىز سىنىنى ائشىدىرم. “نوبەسىز اولماز!” دئير. كيشىنىن اينده گيزلتيديكى سيگار، توستولهيىر. نومره وئرهن “سيگارى ائشيكده چكىن.” دئير. شكيلدهكى قيز، الى آغيزيندا اؤسگورور. كيشى، ايندهكى سيگارينى چارشابلى قادينلار گؤستريب- “من ائشيكدهيم!” دئير. ريملى يايىلان قيزين گؤزو، اونون قيريشيق كوتوندا قالىب.

بالديزيم، قيزين يانينداكى قادينلار ايليىر: “سىز نه اوچون گليب سىنىز؟” قادين: “دونن گئجه تويلارى ايدى.” دئيىب ايندهكى كاغازى گؤستريىر “اليميزده كاغاز دا وار، ائله بو خانيم دوكتور وئريب” دئير.

گلين باجىنىن گؤزونون چوخورونداكى ياش گؤزومده پاريلدايىر. اوتانيرام قيزين يايىلان ريمل لرينه باخيم.

گؤزوم ماينا اوتاغىنىن قاپى سىندا قالىب. قومرال ساچلى، بايىرا چيخير. آداخليسى، قولوندان توتوب. ماماسى آرخاسيندان گليب. پاكاتى كيفينه قويور. قيز اوزومه گولومسهيىر. آداخلي سىندان آيريليىب، منه سارى گلير. ايليىب قولاغىما “قورخما! چتين دئيىل” دئيىب آداخلي سىنىن ايندن ياپيشيب، گئدير. ماماسىنىن ديك دابانلارنىن سسى گئت-گئده اوزاقلاشير.

نومره وئرهن كيشى، منه اشاره ائلهدى. آداخليملا بالديزيم منيمله بيرليكه قالخديلار. آداخليمى بالديزىما گؤستريب، دئديم: “اولار بو گلمه سىن؟” او ايسه يئنه ديشلرينى آغارتدى. “اصل كار اودى دا...” دئدى.

اوزونه گولمه ييم گلمه دى: “ زهلم گئتميش گولنده، نئجه ده دوزسوز اولور!” دووارداكى شكيله دئديم.

اونلاردان قاباق ايچهرى گيريرم. قابيله خانيم اوزومه گولور. اوندان خوشوم گلير. گلين باجى كيمى گؤزلويونه باغلاديغى زنجير، اوزونون ايكى طرفيندن ساللانيىب. اوتوردوغو صندله ياراشير. ماوى چرقدىنين آلتيندان قارا تئللىرى قاشقاسينا تۆكولوب. مانتوسونون بير دويمه سى قيريقدى. قيرمىزى بلوزو گؤرونور. اوزومه گولور “پردەنىن آرخاسينا كئچين!” دئير.

پردەنىن آرخاسيندا سوس دئيين اوشاغين اكيز باجىسى دوواردان منه باخير. اوتاقد، نابلد تخته اوخشار بير شئى وار. مريض خانالارين تختلىرى كيمى دئيىل. كئچميشده آپانديس عملياتى اوچون مريض خانادا ياتميشام. قابيله خانيمين سسى گلير: “شالوارينى سويون! قالخ اوزان ماينا تختينه، گلدیم.”

آداخليمدان آدينى، شهرتينى سوروشور. منيم قيزليغيمدان اونون آدينا نه دخلى وار، بيلميرم.

ماينا تختينه نئجه چيخاچاغيما معطل قالميشام؛ اوجاليغي منيم سينه مه جن دير. اورتاسيندا گيرده بير دئشيك، آلتيند ايسه ايستيل بير قاب وار. ايكي طرفينده آياقلىق كيىمى اوجا پايا گورونور. قابيله خانيم، اللرينده طبرى الجك، پرده نين دالينا گلير: "بس بئله نيه؟ شالوارينى چيخار، اوزان تخت اوسته!".

بالديزيم پرده آرخاسيندان سسله نير- "كؤمه يه گليم مى؟" قابيله خانيم "ايسته مز" دئير. نه ياخشى كى، "ايسته مز" دندى. او زهلم گئتميش گلسه يدى، چيخيب قاچاچاغيديم. شالواريمى چيخارا-چيخارا، شكيلده كى سوس دئين قيزدان نه سه اوتانيرام. قابيله چارپايانى آياغيمين آلتينا ايتله يير. گوجن-بيللاه ماينا تختينه چيخيب، اوزانيرام. قابيله "آياقلارينى، آياقلىقلارين اوستونه قو؛ جان كؤينه يينى بير آز يوخارى قالدير" دئير. دووارداكى شكل منه باخير. منى گورمه سين دئيه، گؤزلىرىمى يومورام. گلين باجى گؤزلىونو چيخاريب، موخده يه دايايدى. گؤزونون چوخورونداكى ياش قوروموشدو. دنديم: "سونرا نه اولدو گلين باجى؟" سوسدو؛ ائله بيل سؤزومو ائشيتمه دى. بيلميرم گؤزلىرىمدن قولاقلاريما آخان نه دير. ريملى ياييلان قيز كيپريكلىرىمى آراسيندان گؤزلىرىمه گيرير. گلين باجى يئرلندن قالخيب، پنجره يه سارى گئدير. نومره وئره ن كيشى ساعاتينا باخيب، اوتورانلارى سايير. سلطان عمه قيزى ياتالىق ياتيب. خالاقيزى نين قاپى سيني دؤيوب، شيرنى قوتوسو اوستونده كى پاكات ايچينده قيزى نين كينينى وئيرلر... قابيله خانيم "قالخا بيلرسن" دئير. گؤزلىرىمى آچيرام. شكيلده كى قيز گؤزلىرىن يوموب. قابيله خانيم الجكلىرىنى چيخارا-چيخارا "بوتؤو قالاچاق، قيزليغين گيرده دى" دئير. آداخليم بارماغينى استامپا باتيريب. كاغيزين اوزه رينه باسدقدان سونرا بارماغينى شالوارينا سورتور. آغ شالواريندا جوهر لكه سى قالير....

فروردين ۹۰